

**Immikkoortorta qarfiup aqqa aamma angerlarsimaffia**

**§1. Immikkoortorta qarfiup aqqa:  
Sulinermik inuussutissarsiuteqartut Peqatigiiffiat Narsaq.  
Naalisarlugu S.I.P.N**

**§2. Immikkoortorta qarfiup angerlarsimaffia:  
Saqqannguup aqputaa B-07  
3921 Narsaq  
Mobil: +299 551622  
e-mail: [narsaq@sik.gl](mailto:narsaq@sik.gl)**

**§3. Immikkoortorta qarfik Sulinermik Inuussutissarsiuteqartut kattuffiannut (SIK) ilaavoq.**

**Siunertaq suliassallu**

**§4. Immikkoortorta qarfiup siunertaraa suliassaralugillu suliffeqarfinni sinniisaat suleqatigalugit**

- Immikkoortorta qarfiit allat SIK –llu ingerlatsiviit allat, Soorlu: SIK-p allattoqarfia, kingunissalimmik suleqatiginerisigut ilaasortanut iluaqutissiinissaq.
- Sulisartut aamma lærlingit/ilinniartut sumiiffimmiittut tamaasa ataatsimoortissallugit akissarsiatigut atorfeqarnikkullu atugassarisanik pitsaasunik kiisalu sullivinni suliffeqarnikkut avatangiisinik toqqissisimanartumik angusaqarumalluni.
- Isumaqatigiissutit inatsisillu atuuttut soorlu: sullivimmi avatangiisit pillugit, illoqarfimmi/nunaqarfimmi suliffeqarfinni eqquutinneqartarnissaat sulissutigissallugu.
- Ilaasortat suliffeqannginnerisa napparsimanerisalu nalaani pisariaqartitaminnik ikiorneqartarnissaasa sulissutiginnissaat.
- Sulisartut peqatigiinneranni kammalaatigiinnerannilu katersuuffiussalluni.
- Ilaasortat pisinnaatitaaffii pillugit siunnersortassallugit.
- Suliffinnilu isumaqatigiinnginnerni soorlu: inunntut aaliangersimasunut tunngatillugu suliassani ilaasortat akuuffigisaani, ilaasortat soqutigisaanik SIK-p allattoqarfia suleqatigalugu illersuissalluni.
- Illoqarfinni/nunaqarfinni suliffinni sulisut sinniisaannik qinersisarnissaq qulakkiisallugu, aammalu sulisut sinniisaasa qinerneqartut aqqinik SIK-p allattoqarfianut ilisimatitsissuteqartassalluni.
- Sulisut sinniisaasa suliaat pillugit sulisitsisunik isumaqatigiissutit malinneqarnissaat qulakkiisallugu.

### **Ilaasortat**

**§5.** Ilaasortannngortinneqarsinnaaput kikkugaluartulluuniit SIK-p malittarisassaani §3-mi piumasaqaatinik naammassinnittut.

**§6.** Ilaasortanngorneq pissaaq immersugassamik immersuinikkut atsiuinikkullu. Ilaasortaajunnaarneq imaluunniit allannguutit taamatutaaq nalunaarutigineqassapput.

**Imm.2.** ilaasortat nutaat immikkoortortap sulinera pillugu paasissutissinneqartarnissaanut siulersuisut akisussaaput.

**Imm.3.** SIP Narsaq-mut ilaasortaaneq ima inissisimapput:

-Tamakkiisumik akiliutilinnut: 150Kr.

-Ilinniartunut: 75Kr.

-Utoqqalinersialinnut: 75Kr.

### **Ataqqinaammik ilaasortat**

**§7.** Siulersuisut ataqqinaammik ilaasortannngortitsissapput ilaasortanik Sulinermik Inuussutissarsiuteqartut peqatigiiffiannut (**SIPN**)-mut malunnaatilimmut sullissilluarsimasumut.

**Imm.2.** Siulersuisut pisinnaatitaaput aamma ataqqinaammik ilaasortannngortitsissallutik ilaasortanut ukiuni 30-ni ingerlaanartumik ilaasortaasimasunut.

**Imm.3.** Ataqqinaamik ilaasortannngortitsineq pingaartorsiorluni ingerlanneqartassooq uppersaatiq saniatigut siulersuisut nammineq aaliangertassavaat qanoq angitigisumik aningaasanik tunineqartassanersoq, imaluunniit eqqaassutissamik tammajuitsussinneqassanersoq.

## Ataatsimeersuarneq

**§8.** Ataatsimeersuarneq tassaavoq immikkoortortaqarfimmi oqartussaasoq qullerpaaq.

**Imm.2.** Ileqqusumik ataatsimeersuarneq ukiut pingasukkaarlugit ingerlanneqartassaaq **APRIL**-ip qaammataa naatinnagu kingusinnerpaamillu ullut 14-nit sioqqullugit atuagassiatigut nittarsaanikkut, taamaattoqarpat kiisalu illoqarfiup/nunaqarfiup allagarsiivisigut kiisalu suliffeqarfinni allagartaliilluni ilimasaaruteqarnikkut ataatsimeersuariartoqqusisoqartassalluni.

**Imm.3.** Ataatsimeersuarnermi oqaaseqarsinnaatitaasut taasisinnaatitaasullu tassaapput: ilaasortat ilaasortaanermut akiliuteqarsimasut tamarmik. Pisinnaatitsisoqarluni imaluunniit allakkatigut taasisoqarsinnaangilaq.

**§9.** Ileqqusumik ataatsimeersuarnermi ullormut oqaluuserisassat ikinnerpaamik makkuningga imaqaassapput:

1. Ataatsimeersuarnermi aqutsisussamik imaqarniliortussamillu toqqaaneq.
2. Siulersuisut nalunaarutaat.
3. Naatsorsuutinin kukkuneruukkannik ilisimatitsissutitut saqqummiussineq.
4. Siunnersuutit takkuttut.
5. Ilaasortaanermut akiliutip aaliangersarneqarnera.
6. Missingersuutit akuerineqarnerat.
7. Siulersuisunut qinersineq.
  - a) Siulittaasumik qinersineq.
  - b) Siulittaasup tullianik qinersineq.
  - c) Allatsimik qinersineq.
  - d) Siulersuisunut ilaasortanik marlunnik qinersineq.
  - e) Sinniisussanik pingasunik qinersineq.
8. Taasariaqartut allat.

**§10.** Ilaasortat immikkoortortaqarfimmut atassuteqartut tamarmik siulersuisunut qinigaasinnaaput.

**§11.** Siunnersuutit ataatsimeersuarnermi eqqartortikkusutat siulersuisunit tiguneqareersimassapput ataatsimeersuarnissaq kingusinnerpaamik ullunik 8-nik sioqqullugu. Ilaasortat **§7 imm. 3.** Naapertorlugu oqaaseqarsinnaatitaallutillu taasisinnaatitaasut tamarmik siunnersuutinin taamaattunik saqqummiussinnaatitaaput.

**§12.** Ataatsimeersuarnermi nalinginnaasumik amerlanerussuteqarnikkut aalangersaasoqartassaaq, malittarisassani allamik allassimasoqangippat. Taasinerit naligiippata siunnersuut peerneqassaaq; taamaatumik inummik qinersineq

ingerlanneqarpat qinersisoqaqqissaq. Qinerseqqinnermi taasinerit naligiippata makitsinikkut qinersineq ingerlanneqassaaq.

**Imm.2.** Allalluni taasinerit ingerlanneqartassaput tamanna ataatsimiinnermi peqataasumit – ataatsimit- kissaatigineqarpat, kiisalu siulersuisunut qinigassanngortittut siulersuisuni ilaasortanit amerlanerit qinigassanngortippata.

**§13.** Ataatsimeersuarnermi SIK-p malittarisassaanut immikkoortorta qarfiullu nammineq malittarisassaanut akerliusunik aalajangiisoqarsinnaanngilaq, aaliangiinerillu pisassapput SIK-p ataatsimeersuarnerani imaluunniit nakkutilliisoqarfimmi siulersuisuunerniluunniit aalajangiinerit ataqqillugit.

**§14.** Ataatsimeersuarnermit imaqarniliaq SIK-p allattoqarfianut nassiunneqassaaq kingusinnerpaamik ataatsimeersuarnermit sap. Ak. 3 qaangiutsinnagit.

#### **Immikkut ittumik ataatsimeersuarneq**

**§15.** Immikkut ittumik ataatsimeersuortoqarsinnaavoq siulersuisuni amerlanerussuteqartut tamanna pisariaqartutut isigippassuk imaluunniit sulisut sinniisaasa pingajorarterutaasa ilaasortalluunniit pingajorarterutaasa atsiornermikkut tamanna piumasarippassuk. Piumasarineqartoq ullormut oqaluuserisassatut siunnersuummik ilaqartinneqassaaq.

**Imm.2.** Immikkut ittumik ataatsimeersuarneq ingerlanneqartassaaq tamatumingga piumasaqarnerup siulersuisunit tiguneqarneranit kingusinnerpaamik sap. Ak. 3 qaangiutsinnagit.

**Imm.3.** Immikkut ittumik ataatsimeersuariaqqusiseqassaaq sivikinnerpaamik ullut 14-nit sioqqullugit najukkami atuagassiatigut nittarsaanikkut, taamaattoqarpat kiisalu illoqarfik/nunaqarfiup allagarsiivisigut kiisalu suliffeqarfimmi allagartaliilluni.

**Imm.4.** Immikkut ittumik ataatsimeersuarnermi siulersuisunut qinersisoqarpat qinersineq ileqquusumik ataatsimeersuarnissap tulluuttup tungaanut atuutissaaq.

**Imm.5. §9 .** aamma **§11-§13** taammaatuttaaq atorneqassapput immikkut ittumik ataatsimeersuarnermi.

## Ilaasortat ataatsimiinerat

**§16.** Ukiuni ataatsimeersuarfiunngitsuni ilaasortanik ataatsimiisitsisoqartassaaq. Ataatsimiineq April naatinnaagu pissaaq, sivikinnerpaamillu ulluni 14-inik sioqqullugu ataatsimiigiaqqusisoqassaaq najukkami atuagassiami, taamaattoqarpat nittarsaanikkut kiisalu illoqarfiup/nunaqarfiup allagarsiiviasigut suliffeqarfinnillu allagarsiinikkut.

**Imm.2.** Ilaasortat ilaasortanut akiliummik akiligassiissutaasimasumik akiliisimasut tamarmik ilaasortat ataatsimiineranni oqaaseqarsinnaatitaallutillu taasisinnaatitaaput. Pisinnaatitsissuteqarluni imaluunniit allakkatigut taasisoqarsinnaanngilaq.

**§17.** Ilaasortat ataatsimiinneranni ullormut oqaluserisassat ikinnerpaamik makkuningga imaqassapput:

1. Ataatsimiinermi aqutsisussamik imaqarniliortussamillu toqqaaneq.
2. Siulersuisut nalunaarutaat.
3. Naatsorsuutininik kukkuniarsuukkanik ilisimatitsissutitut saqqummiussineq.
4. Siunnersuutit takkuttut.
5. Ilaasortaanermut akiliutip aaliangersarneqarnera.
6. Missingersuutit akuerineqarnerat.
7. Taasariaqartut allat.

**§18. §10-§13** Taamatuttaa q ator neqassapput ilaasortat ataatsimiineranni.

## Siulersuisut

**§19.** Siulersuisut immikkoortorta qarfiup ulluinnarni aqunneqarneranut akisussaasuupput, pisussaallutillu immikkoortorta qarfik SIK-p malittarisassai immikkoortorta qarfiullu nammineq malittarisassai naapertorlugit aqussallugu, soorlu: siunertat suliassallu §4-mi taaneqartut sulissutigineqarnerat qulakkiisallugu. Taamatuttaa q SIK-p ataatsimeersuarnerani, nakkutilliisoqarfiani siulersuisuunerinilu aalajangiinerit kiisalu immikkoortorta qarfiup ataatsimeersuarnerani aalajangiinerit.

**§20.** Siulersuisut namminneq ulluinnarni suleriaasissartik aalajangersaavigissavaat siulersuisut akornanni suliassat aalajangersimasut agguataarnissaannik minnerpaamik ilaqartussaaq, kiisalu siulersuisut ataatsimiitarnissaanut sulisullu sinniisaannik ilaasortanillu ataatsimeeqatiginnittarnissamik pilersaaruteqassallutik.

**Imm.2.** Siulersuisut aaliangiissinnaasuseqarput siulersuisut ilaasortat ikinnerpaamik affaat peqataagaangata. Taasinerit naligiippata siulittaasup taasineri aaliangiissuussaaq. Siulittaasup peqannginnerani siulittaasup tulliaata taasineri aaliangiissuussaaq.

**Imm.3.** Siulittaasoq immikkoortortaqaqfiup ingerlanneqarneranut akisussaasuni qullersaavoq, siulersuisulli aaliangernerisigut tamanna siulersuisuni ilaasortamut allamut akisussaaffittut tunniunneqarsinnaalluni.

**Imm.4.** Immikkoortortaqaqfiup ulluinnarni allaffissornikkut ingerlanneqarnera pillugu siulersuisut pisariaqartunik aaliangiisassapput, tamatumani aamma allaffimmi sulisunik atorfinitsitsinerit soraarsitsinerillu pillugit aaliangiinernik.

**Imm.5.** Siulersuisunut ilaasortat allaffimmilu sulisut ajunngitsorsiassaak akissarsiaqartinneqarnerallu missingersuusiami ataatsimeersuarnermi imaluunniit ilaasortat ataatsimiinneranni akuersissutigineqartumi allassimassapput.

**§21.** Siulersuisut ataatsimiinnerannit imaqarniliaq SIK-p allattoqarfianut nassiunneqartassaaq ataatsimiinerup kingorna kingusinnerpaamik sap. Ak. 3 qaangiutsinnagit.

**§22.** Siulersuisunut ilaasortaq Naalackersuisunut ilaasortatut toqqarneqaruni imaluunniit borgmesteritut qinigaaguni siulersuisunut ilaasortaajunnaassaaq.

**Imm.2.** Siulersuisunut ilaasortaq politikikkut suliaqarnini pissutigalugu allamilluunniit pissuteqarluni siulersuisunut ilaasortatut suliasaminik isumaginnissinnaajunaartut naliliiguni taanna siulersuisunut ilaasortaajunnaarniarluni aaliangersinnaavoq. Tamanna taamaallaat piffissamut killilimmut atuuppat, pineqartoq sulingiffeqarallarnissamut akuerineqaanarsinnaavoq. Sulingiffeqarallarnissamut akuerineqartoq siulittaasuuppat, siulittaasup tullia sulingiffeqarallarnernerup nalaani siulittaasutut atuutsissaaq. Sulingiffeqarallarnissamut akuerineqartoq siulittaasup tullerippagu, siulersuisut aaliangiisapput siulersuisunut ilaasortaq sorleq sulingiffeqarallarnernerup nalaani siulittaasup tulliatut atuutissanersoq. Sulingiffeqarallarnissamut akuerineqartoq siulersuisunut ilaasortaappat siulittaasuunngitsoq imaluunniit siulittaasumut tulliuunngitsoq, siulersuisut aaliangersinnaapput sinniisussamik siulersuisunut ilaasortanngortoqassasoq sulingiffeqarallarnernerup nalaani atuuttussamik, qinersinermi **§8-mi nr. 6-mi** taaneqartumi taaneqarnerpaasimasumik.

**Imm.3.** Siulersuisunut ilaasortaq immikkoortortaqaqfiup aningaasaataanik atornerluisimasoq siulersuisunut ilaasortaajunnaarsinneqarsinnaavoq. Aningaasanik atornerluisimaneq ilaasortaajunnaarsitsinissaq pitinnagu kattuffiup kukkunersiuisuanit uppersararneqassaaq, aammattaaq ilaasortaajunnaarsitsisoqarsinnaavoq siulersuisunut ilaasortaq paasissutissanik allagaatinilluunniit immikkoortortaqaqfimmuut ajoqutaasumik atornerqarsinnaasunik siulersuisunit akuerineqarani ingerlatitseqqiisimappat.

**Imm.4. Imm. 1-3-mi** taaneqartutut pisoqarnerani siulittaasoq siulersuisunut ilaasortaajunnaarpat siulittaasup tullia siulittaasunngussaaq ileqquusumik ataatsimeersuarneqarsissamik tulliuuttumi siulittaasumik nutaamik qinersinissap tungaanut. Taava siulersuisut siulittaasup tullianik nutaamik qinersissapput. Tamatuma peqatigisaanik siulersuisuni sinniisussaq qinersinermi **§8-mi nr. 6-mi** taaneqartumi taaneqarnerpaasimasoq siulersuisunut ilaasortatut atuutilissaaq. Siulersuisut aaliangersinnaapput periaaseq qulaani taaneqartoq atornagu immikkut ittumik ataatsimeersuarisissisoqassasoq piaarnerpaamik siulittaasussamik nutaamik qinersinissaq siunertaralugu.

**Imm.5. Imm.1-3-mi** Taaneqartutut pisoqarnerani siulittaasup tullia siulersuisunut ilaasortaajunnaarpat siulersuisut siulittaasup tullianik nutaamik qinersissapput siulersuisut ilaasortat akornannit. Tamatuma peqatigisaanik siulersuisuni sinniisussaq

qinersinermi §8-mi nr. 6-mi taaneqartumi taaneqarnerpaasimasooq siulersuisuni ilaasortatut atuutilissaaq.

**Imm.6. Imm.1-3-mi** taaneqartutut pisoqarnerani siulersuisunut ilaasortamik siulittaasuungitsumik imaluunniit siulittaasumut tulliuungitsumik siulersuisunit tunuartoqarpat siulersuisuni sinniisussaaq qinersinermi §8 nr.6-mi taaneqartumi taaneqarnerpaasimasooq ilaasortanngussaaq. Sinniisussat arlaallit amerlaqatigiinnik taaneqarsimappata, imaluunniit sinniisussat taasinertaqanngitsumik qinigaasimappata kina siulersuinut ilaasortanngussanersoq makitsissutigineqassaaq.

### **Toqusoqartillugu**

**§23.** Siulersuisunut ilaasortaq qinigaaffiup iluani toqukkut qimagutsillugu ilisaanerani katingatilisaarluni naalagiaatigineqartassaaq.

### **Aningaasaqarneq, naatsorsuutit aamma kukkunersiineq**

**§24.** Immikkoortortaqrarfiup ukiumoortumik naatsorsuutaasa qaammatisiutit ukiuat malissavaat.

**Imm.2.** Siulersuisut immikkoortortaqrarfiup naatsorsuutai akuersissutigissavaat, taakkulu tamatuma kingorna ilisimatitsissutitut ataatsimeersuarnermi imaluunniit ilaasortat ataatsimiinneranni saqqummiunneqassapput. Naatsorsuutit kukkunersiuisumit SIK-p ataatsimeersuarnerani qinerneqarsimasumit kukkunersiorneqartassapput.

**Imm.3.** Peqatigiiffiup naatsorsuuserissunneqarnera SIK-p allattoqarfiani naatsorsuuserisumit ingerlanneqassaaq, taanna aammattaaq peqatigiiffiup kontoinut netbankikkut isersinnaanermut akuersissummik peqartussaalluni. SIK-p allattoqarfiata qaammatit tamaasa naatsorsuutinut allattukkat anillatsillugit immikkoortortaqrarfimmu nassiuttassavai.

### **Atsiornissamut maleruaqqusat aningaasanut akisussaasuseqarneq**

**§25.** Immikkoortortaqrarfik sinnerlugu atsiorsinnaatitaavoq siulittaasooq aamma ikinnerpaamik siulersuisuni ilaasortaq ataaseq. Taarsigassarsiaqarnermi aamma illuutigisamik tunisaqarnermi pisinermilu imaluunniit qularnaveeqqusiussinermi peqatigiiffik sinnerlugu siulersuisunut ilaasortat tamarmik atsioqataassapput.

**Imm.2.** Immikkoortortaqrarfimmu ilaasortat immikkoortortaqrarfiup pisussaaffigilersimasaanut inuttut ataasiakkaatut pisussaaffilerneqarsinnaanngillat.

### Malittarisassanik allangortitsineq

§26. Malittarisassat taamaallaat ataatsimeersuarnermi 2/3-mi amerlanerussuteqartunit allangortinneqarsinnaapput, tassani allangortinnissamut siunnersuut ullormut oqaluuserisassani allassimassalluni. Malittarisassat taakku minnerpaamik imaqqassapput aaliangersakkanik immikkoortortaqrarfiit malittarisassaani nalinginnaasuni SIK-p ataatsimeersuanerani akuersissutigineqarsimasuni allassimasunik.

**Imm.2.** Malittarisassanik allangortitsinerit ataatsimeersuarnermi akuersissutigineqarnerminnit atuutilissapput.

§27. Immikkoortortaqrarfimmik atorunnaarsitsineq taamaallaat ataatsimeersuarnermi pisinnaavoq, tassani atorunnaarsitsinissaq ullormut oqaluuserisassani allassimassalluni, ataatsimeersuarnermi peqataasut 2/3-sa siunnersuut akuerippassuk.

**Imm.2.** Atorunnaarsitsinermi immikkoortortaqrarfik akiitsoqarpat taakku akiligassaqrarfinnut akilerneqassapput. Pigisat sinneruttut tassunga ilanngullugit allattaaviit protokolit, imaqrarniliat il.il., SIK-p allattoqrarfianut tunniunneqassapput.

Ataatsimeersuarnermi siulersuisut akuersissutigineqartut ulloq: 08.02.2024

Siulittaasog:

  
Otto Davidsen

Siulittaasup tullia:

  
Ane-Marie Bech Kaspersen

Allatsi:

  
Najaaraq Kaspersen-Albrechtsen

Siulersuisunut ilaasortaq:

  
Benjamin Kielsen

Siulersuisunut ilaasortaq:

  
Martin Egede